

V E R S  
SUR LA PATROUILLE  
DE MONTPELIER  
COMPAUSAS

PER PIERRE GREGOIRE 1691



A MONTPELIER  
Chez GABRIEL & HONORÉ  
frères, Imprimeurs du Roy, du Clergé  
& de la Ville. 1692.

---

*Avec Approbation & Permission.*

SONNET

Dediat à Monseigneur le Marquis  
de Castrios, Gouverneur  
de nostro Villo.

**S** Oun ero Monseigneur, lou grand man de  
l'amour,  
Que comme un gros demoun me tourmento ma  
vido,  
De segu yeu aurie vostre anzido ravidu,  
De cent pichots Versets, qu'yeu farié ni och & jour  
Mon DE CASTRIOS de Vous yeu par-  
larié toujours;  
Car naturelomens la rimo mi convido,  
Et Mars n'ou serie pas tant loüat per Ovido,  
Que vous serias per yeu vantat à vostre tour,  
Or donc grand GOVERNEUR, p'oy que  
s'es tout courage,  
Permettez qu'en respect yeu vous offe l'Ouvrage,  
De toutes lous Sieyzens chacun per son quarisè,  
Que vous rejoüiran & de segu fau creire  
Que jamay n'avés vis, n'imagay n'ou souprias veïre  
De pus illustros gens qu'à vostre Montpelisè.

VERS SUR LA PATROUILLE  
de Montpellier, compausas  
per P.... G..... 1691.

QUAN roudarias toute la terre  
En temps de pais ou temps de guerre,  
Veyrias pas tan d'illustres gens  
Coume lya dins nostres Sieyzens,  
Lou vespre quan fan la Patrouille  
Per ordre de Mr. de Brouglie,  
Et sur tout de nostre bon Rey  
Coume santeffe aquo se vey :  
Car se fay d'une exatitude  
Que l'on dirie que semble mude  
La nioch quan rode Montpelie,  
Per trova quaque bandoullie,  
Cauque perdu en cauque guze  
Oubé cauque insigne couruse,  
Que songe pus leu de fa mau  
Pendent lou temps que tout es fiau,  
Que tout doutinis dins son silence  
Qu'on pas à faire penitence,  
Et creyte qu'a tart ou à temps  
Dieus nous espere au Jugement.

May la Patrouille bone & sage,  
 Quan trovo une teste voulage,  
 Que todo que mene de bruch,  
 Lan leu meze dins un estuch,  
 Dins un reduit que fay mau estre,  
 Coume laambre de Balestre;  
 Aqui la un maudis sous jours,  
 Un autre ploure fas amouts,  
 La un tempeste lautre crido,  
 Un autre renegue sa vido,  
 Un chaqu'n dis que n'a pas tort,  
 L'autre dis que voudrié estre mort,  
 Que n'a pas ges coumés de crimes  
 Per lous metre dedins d'abimes;  
 Dins las fosses dins lous croutons,  
 Ou de tenebrouses prisons.  
 Or à nostre grand Invincible  
 Nes pas estat brise impossible,  
 De trouva fossa illustres gens  
 Per lou servy fidelamens.  
 Car Mou de Castres, Mou Dumene,  
 Souldats coume un secon Turene,  
 An agut lou Gouvernament  
 De Montpelie premieyroment,  
 Per son couratge soun adieffe,  
 Son bel esprit & soun adresse,  
 Coume nostre Illustre Major  
 Que yau à la Ville un Tresor.

Car sié Doumergue, ou Margouirés  
 Un soul se batrié contre trés ;  
 De tan Sant Pau a de couratge ,  
 Jeu vous dirié be d'avantage ,  
 May coume me fau fa cany  
 Parlen un pau de Sant Fermy.

*SIXZÈNE St. FERMY.*

Et digan que cade vesprado ,  
 S'en vay serca quauque nizado ,  
 A la chut chut à pichot pas  
 Dordre dau Coumandan Combas ;  
 Et pioy après quan per fortune  
 Elles n'an atrapat cauquine ,  
 Per la permission dau bon Dieu  
 Per aval vers lou Legassieu ,  
 Lous Carnes , la Capelle novo ,  
 Ou ben souven aqui l'on trovo ,  
 Coume sout l'ar de Mandrounet ,  
 L'ar de Flaüergues , Boutouinet ,  
 Ver Bonbequieu , las Esplanados ,  
 Quan las nou-houros sôn picados ,  
 Vous faudrié auzy sous coumplimens ,  
 Sous plours & sous gemissemens ;  
 L'une dis qués brave persoune ,  
 Un autre que nés pas larouine ,  
 Que n'a pas fach tort à degus .

Ormis qu'n traite-vilain-gus,  
Liavié dich que se rencontrésse  
Dedins une talle, travesse,  
Qu'aquo serié lou rendevous  
Per se parla de dous à dous,  
Sans pensa de voulé mau faire,  
Tout devizan de quauque affaire  
Mais cependant aquel Sieyzen  
Qua jouga toujours dau bon sen,  
Samuzo pas à ~~au~~ de paraulos,  
May sap fa varailla las gaulos,  
Las amarines & lous jors,  
Dessus sous miserables cors;  
Car lou Capitany Loudeve  
Ly sap faire tere lestve,  
A drech, à gauche, de tout biay,  
Quan volou pas dire lou vray,  
Pertau qués l'homme de prudence,  
De jugamen & de crezence;  
Attabé souñ Liotenén Feu,  
Qua fesso esprit & dau pus beu,  
Enbé despioch souñ potte-Enseignie,  
Coume la rezoun nous enseigne,  
Car tan Sargens que Corporaux,  
Parloun fort ben may quon sien raux,  
Et quan s'agirié de se battre  
Un soul se batrié contre quatre:  
Coume Gentil, Castres & Pons

Se batrien à brülle perpons  
 Aquodàquy sen vay lan dire,  
 Et de tout ce que may amire,  
 De St. Denis, de Ste. Crous.  
 Que quan lous fan mettre en courous,  
 Ellés farien may de ravatge,  
 Que cent Reynars dins un vilatge,  
 De tan quan l'esprit éveillat,  
 Coume Coulet ou Marcellat:  
 Car an toujour la canbe à lerte,  
 Sié per lou guin ou per la perte,  
 Et quan fau crida qui va là,  
 Vous fau entendre Pierre Uglà,  
 De tan qu'à la paraule belle  
 L'auzirias de la Citadelle,  
 Dau Peyrou, dau Cour, dau Foullas  
 May que noun siegue enraumassat;  
 Enfir pioy<sup>à que fan</sup> quieu acabe,  
 Jeu diray que chacun es brave,  
 Soldats sou toutes generoux  
 Coume lou Seyzen Ste. Crous.

**SIETZEN Ste. CROUS.**

Ounte soun Coumandan Rovieyre,  
 S'en vay à la teste premieyre,  
 Quan fau fayre une belle action  
 Per empacha de sedition,

Que dins la Villo se pot fayre  
 Quan surven un mechan affayre ;  
 De toutes aquellés grans perdus  
 Que, 'an de niôch lous entendus ;  
 Lous fanfarons & louspignastres ,  
 Jutjas-se s'en van san emplastres :  
 Car lou Capitany Jany  
 Quan vous lous pot endeveny ,  
 Dessus un bras ou sus la testo  
 Dirias que l'y jogo soun resto ,  
 Coume soun Liotenen Desplan ,  
 Quan serien tous de vergalans ;  
 Et quan lia Escandou soun Enseigne  
 D'abor lous cargou may de legne  
 Quin carriot de trente quintaux  
 Quan voloun fayre lous brutaus :  
 Et l'y picou cambos & brasses  
 Jusquos à tan que ne soun lassés ;  
 Car lou brave Sargan Larnet  
 L'y sap bailla sur lou coupet ,  
 Et lous chapla coumo dourtete  
 Quan es en Frayssle ou Bazijette ,  
 Nougarot , Moulés embe Pioch ;  
 Quan ne trouou quaquun de niôch ,  
 Ou que Jaladié fay la ronde ,  
 Et que bone Fé lou seconde ,  
 Enfin nia pas un pus generous  
 Que lou Sjeizen de Sto. Crous ,



San ne mesprisâ ges das autres,  
 A vostre avis quen dizés vautres,  
 Voulés bé que parlen un pau  
 De Sto. Anno prés de St. Pau.

*SIEYZEN DE Sto. ANNO.*

Ques un Sieyzen coume on remarque,  
 Tout amour per nostre Mounarque,  
 Tout aquos se vey niôch & jour  
 Quan monte la garde à son tour,  
 Car lia son Coumandan Auzieyre,  
 Ques pus arden qu'une brazieyre,  
 Qu'une estuve ou ben qu'un four,  
 De tan que temoigne d'amour,  
 Chaque vespre quan son de garde  
 Fau creyre que Dieu lous regarde,  
 Dieus messe que contente tan  
 Riches & paures Habitans,  
 Que tout lou monde l'y fay gloire,  
 Destre dins sa bone memoire,  
 Din soum amour din sa bontat,  
 Et din sa gran honestetat,  
 Aqui nia pas à dire nany,  
 Temoin André soum Capitany,  
 Embé Germain soum Liotenent,  
 Que soum de gens de jugamen,  
 De prodomie & de cervelle,

12  
Coume soun Enseigne Capelle,  
Per aquo nia pas samuza:  
Car quan volou desamuza,  
De soun amour de sa tendresso,  
Pioy après n'agisso en rudesso,  
Sur tout aquelles Telerats,  
Que fan lous mutins & lous fats,  
Aquy n'an pas à fa de tire,  
Coume are mesine vous van dire:  
Car lia Hebrar, Perié du Bor,  
Que lous basselou dau rabor,  
May qu'ne cargo de bugado,  
Dins lou moumen qués assetiado,  
Et Maurin, Clausel & Bedos,  
Couron may qu'n loup dins un bosc,  
Quan s'agis de quauque capturo,  
Que l'y serven per aventuro,

**S I E X Z E N S T. M A T H I V.**

De nich, de jour, d'hyver, d'estiu,  
Enfin anen vers St. Mathiu,  
Et donnent l'y per toute oufrando,  
Mou de Magny que l'y commando,  
A quel Siexzen comme l'on vey,  
Qués tout fioc per nostre bon Rey,  
Amay porte de canizillos:  
Car quand trovo de testos follos,

De canquinos ou de badins  
 Vous lous a leu messes dedins ;  
 Pioy lia lou Capitany Salos,  
 Munit de poudros & de balos,  
 De fuzils & de mousquetouns.  
 Quand pot trouva de bagamouns ;  
 Que courrou la nich per la Villo  
 En dendrets que nia may de millo,  
 Sur tout as lioch lous pus suspex  
 Quand aurien cent porto respex,  
 Vous lous pren en sa partezano  
 Commo son Lioctenent Serano,  
 Sans l'y rendre ges de filas  
 Quand lia son Enseño Coulas,  
 Et lous menou malgré que nagoun  
 Quinto violenço qu'elles fagoun  
 Dedins dentrethx ouaté las fers  
 L'y fan de terribles confers,  
 Elles entendou be mon dire  
 Sans que yeu torne liou redire,  
 Suffit quelles mentendou ben,  
 Pioy qu'ou fan per un pus gran ben,  
 Per la gloire de nostre segne,  
 El qu'ou devoun tout faire cregne ;  
 Per heritta lou Paradis,  
 Commo St. Mathiu nous ou dis,  
 Attabé jeu diray sans cesse,  
 Que soun de gens de granda adresse,

Tant pla Sargeans que Courpauraux  
 Qu'an autant de cor que de braux,  
 De force amay de courage  
 Commo Viello, Bestiu, Calatge,  
 Qu'en tous que sien de gens ajatz,  
 Soun tout vers commo de goujatx,  
 Qu'an vingt. & cinq ou trento annados  
 Que soun tout fioc ou tout flamados,  
 Commo Fournés, Aurric, Sillou,  
 Qu'n soul se battrié contro nou,  
 Sans trompettos ny sans timbalos,  
 Quand lia Delmas, Boudet ou Salos,  
 Ou ben son Illustre Nouvial  
 Qu'aymo de pla beuré au regal:  
 Enfin yeu diray sans repliquo,  
 Sans brizo uza de poulitiquo,  
 Qu'anas toutes en bono fé  
 Commo lou Siexyen Sto. Fé,  
 Qu'ou fay tout embe grand delice  
 Quand s'agis d'empacha lou vice.

*SIEXZEN Sto. FE'*

Car lia lou Coumandan Capon;  
 Qués generous coume un lyon,  
 A ce que nous dis tout lou monde;  
 Et la rezoun que yeu me fonde,  
 Et que toute la terre sap ben

Son couratge despioy lon ten :  
 Car n'a donnat assés de marque ;  
 Commo tout Montpelié remarque ;  
 Enfin digan en dernié lioc ,  
 Que quand lia quauque boute fioc ;  
 Que dins la Villo say lou diable !  
 Ha yeu vole estre miserable ,  
 Soun lou rebalou per lou saou ,  
 Tout louyran commo un paure biou ,  
 A grand cops d'ampes d'halabardes ,  
 Toutes las fés que soun de garde ,  
 Et lous menou dins lou moumen ,  
 En pri'oun san retardamen :  
 Commo aquos es de Justice ,  
 A ce que nous dis la Poulice :  
 Car lia son Capitany Cros ;  
 Qu'en tout qu'on sié pas home gros ;  
 Reste pas d'avé de couratge ,  
 Amay siegue deja dins latge ,  
 Commo Coste son Liostenen ,  
 Que say es pas per lou presen ,  
 Pertau qués anat en Campagno  
 Dins las frontieytes de l'Espagno ;  
 Pourtan lya l'Enseigne Laurié ,  
 Que vay pus vite qu'n levrié ,  
 Quan s'agis de trouve de casto  
 Sa cambe nes pas jamay lasso ;  
 Et pioy après quan ne surpren ,

Cauque que se trovo pren  
 Vous las mene d'une vois douce  
 San ly fayre prene la couisse,  
 Ly representan doucamen  
 Sous malheuroues manquamen ;  
 May quan trovo cauque guzasse,  
 Cauque vilayne poche grasse,  
 Vous ly baille may de pautaus  
 Qu'a Lattos non lia de mouyssans,  
 Quan sen d'Estieu ou dins l'Autonomie,  
 En tout que sié bonne personne,  
 Car tan Sargens que Corporaus  
 Podou pas souffri gés de maus,  
 Comme puffort Lautié Calatges,  
 Que soun de gens prudens & sages,  
 Planié, Chatau & Mazelié  
 Ce ny a gés dedins Montpelie,  
 Tan plàLautieret que Gardelle  
 Nioch & jour battou la semelle,  
 En tout bé que jalesse en l'air  
 Quan lia Laffon & Pelissier ;  
 Enfin quitten nostro demoro  
 Et sortigan un pau defforo  
 Per ly veyre lous bons enfans  
 Que ly restou per habitans,  
 Tant as Faubourgs que per jardisses,  
 Per lous moulis & precepices,  
 Per lous mazes, per lous castels

Jamay les vis rés de tan bel,  
 Comme Boutonnet, Salonovo,  
 Que chaque Dimenche se trovo,  
 Per fa l'exercice au bal' air,  
 A drech, à gauche lou pé en l'air,  
 Embé lous Sieyxens de la Villo,  
 Cauque fés soun may de grés millo  
 Per lou fayre de tout coustat,  
 Davan cent gens de qualitat,  
 Per yeu dau Sieyxen de defforo,  
 La grande envie me devoro.

### S A I N T L O U I S .

May sié lou Sieyxen St. L O U I S  
 Que jamay degus n'avié vis,  
 Pertau que soun ben pus huroufes,  
 Que nautres paires malhuroufes,  
 Que fai rouda chaque quattie,  
 De nich fai quitta Montpelie,  
 May lous que soun à la campagne,  
 De tout temps aquos es caucagne,  
 Amiy vengoun de travailla,  
 Senchautoun pas de patrouilla,  
 Hors de l'hyver quan fay fresquicyto,  
 Car au prin tens lia de sericytos,  
 Dagriottes & de pource dieu  
 Quand pioy entran dedin l'estieu.

De tens en tens van à l'espero,  
 De cauque prune ou cauque pero,  
 Daubignons ou cauque gourrau,  
 Pioy savoun virà lou barrau,  
 Et ne beure à la gargaillete  
 Quan an mangeat cauque reynete,  
 Cauque amelle, cauque aubricot  
 San degus paga son escot.  
 Ansindos fan fas carabanos  
 Per serqua coudouns ou mieugranos,  
 De guindoulos cauque nougal  
 Un Rey n'a pas un tel regal,  
 Après quan venen dins l'autoune,  
 De tout coustat chacun pinsoune  
 Cauque sorbo ou cauque razin  
 Quan serié soun milliou vezin,  
 Se lous vesias quan ne soun lasses  
 Sassetou desjout lous barrasses,  
 Sout lous aubres sout lous bouissous  
 Per plouma figos ou veyrous:  
 Car l'un met din soun escarcelle  
 Cauque passide coucaurelle,  
 Un autre ly met à foyson,  
 Cauque auberge dins la saison,  
 De vernisenques de pelduros  
 Din lou moumen que soun maduros,  
 Un autre ly met tout d'un ten  
 San que ly coste gayre argen.



De flou, figue caucue rouffette,  
 Cauque passarillade blanquette,  
 Qués esriche en cent mille parts  
 Aquos soun de soldats gaillards,  
 Que savoun sautas las espignes  
 Quan an prou permenat las vignes  
 Per poudé damoussa lou set,  
 Trouvon un servan trovon un tarret  
 Un pique poul une clarette  
 Comme diray are memette,  
 Un espiran un dous musquat  
 Qués un rasin pus delicat,  
 Cauque aujuby ou caucue huliade  
 Quan la mieje nich es sounade,  
 San que ly coste un patac  
 Ne mangeon de plés aubresac,  
 De barberous ou de courinto  
 Après avé soufflat la pinto,  
 Et s'estre remplir comme un biou  
 May san conta de cargue miou,  
 De poumettos de caucue amouro  
 A tout moumen & à toute houro,  
 Sur tout din la belle sayson  
 Que se trovo caucue condon,  
 Cauque cornio ou caucue castagne  
 Alors fay bon estre en campagne,  
 Et patrouilles comme l'on dis  
 De defforo per tous jardis.

Aumen l'on trovo caucque rave,  
 Comme are meime vous atabé,  
 Cauque melon caucque artichau,  
 Cauque apy qués un moucel cau,  
 D'aubergines à la pebrade,  
 Ou bé caucque bonne ansalade,  
 De sebettos ou de jauver,  
 Tan plà d'estieu; comme d'hyver;  
 Après s'en van au Cor de garde  
 Per se prene un pauquet garde,  
 Et fayre chacun sa faction  
 Comme l'histoire fay mention,  
 Aqui lia lou Coumandan Coste  
 Que vay pus vite que la poste  
 Per trova caucques espions  
 Que pourien fayre trahison;  
 Toutes las heures l'on sen doute,  
 Atrabé van à las escoutes  
 Enbé lou Capitany Beingau  
 Tant à St. Jaune qu'au Courau,  
 Lartos ou lou Pila St. Gely  
 Qu'es lou cany de St. Baufely,  
 May s'y bé l'houstau de Baillot.  
 Que sip fa jouga lou billot,  
 Lou sabre, lou fuzil & l'espaze  
 Que serias ravit en estaze,  
 De veyre l'Enseigne Bedos  
 Quan fau fayre de poulics cops,

Sra fioc , san lum ny san candello  
 Jamay ses vis cause pus bello ,  
 Car quan rencontrarien lou drap  
 Beleu vous l'y fendrien lou cap  
 Sour ere un esprit invincible  
 De tant quel es fort & terrible ,  
 Amay passe per bon goujat  
 Comme lou Sargant Froumajat ,  
 Bardou , Villa , Masson & Bariy  
 Que demorou toutes au Barry ,  
 Enfin per toute conclusion  
 Donen leu la definition ,  
 De tout aqueste grand Ouvratge  
 Et digan que chacun es sage ,  
 Tant dins la Villo qu'au Faubourgs  
 Per finy ben nostre discours ,  
 Et que dins lou Ciel nostre Seigne  
 Que toute la terre deu creigne ,  
 L'y donnara son Paradis  
 Comme l'Escriture nous dis ,  
 May qu'ou ajou sach per sa gloite  
 A ce que dis Pierre Gregoire.

F I N.

PERMISSION.

**V**EU les presens Vers. Je n'empêche pour le Roy, l'Impression requise. Fait à Montpellier ce 20. Février 1692.

REMISSE *Proc. du Roy.*

**V**EU les conclusions du Procureur du Roy, permis l'Impression requise ; avec les défenses à tous autres. A Montpellier ce 20. Février 1692.

EUSTACHE *Presid. & Juge-Mage.*